

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
SKUPŠTINA

Komisija za izbor i imenovanja



Bosnia and Herzegovina
FEDERATION OF BOSNIA AND
HERZEGOVINA
ZENICA-DOBOJ CANTON
CANTON ASSEMBLY

Broj: 01-30-14268-3/23
Zenica, 21.09.2023. godine

05-01/21.09/23/1
05-03/21.09/23/2

SKUPŠTINA ZENIČKO-DOBOJSKOG KANTONA			
Primljeno	21.09.2023.		
Org. jed.	Broj	Prilog	Vrijednost
01-30-	14268-	8/23	

SKUPŠTINA
ZENIČKO - DOBOJSKOG KANTONA
n/r predsjedavajućeg

PREDMET: Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona - dostavlja se

Na osnovu člana 33. a u vezi sa članom 152. stav 1. Poslovnika Skupštine Zeničko-dobojskog kantona - Treći prečišćeni tekst («Službene novine Zeničko-dobojskog kantona», broj: 14/18, 18/18-isp. i 7/19), u prilogu ovog dopisa, dostavljamo Vam Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona, radi njenog razmatranja na narednoj sjednici Skupštine Zeničko-dobojskog kantona.

S poštovanjem,

PRILOZI:

- Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona
- Popunjen obrazac Izjave o fiskalnoj procjeni (Obrazac IFP NE)

DOSTAVLJENO:

Naslovu,
1 x Predmet **14. sjednice Komisije/04-02**



PREDSEDavajući

Alen Kapković

Na osnovu člana 14. stav 1. i 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 4/08-autentično tumačenje, 8/10 i 15/17), Skupština Zeničko-dobojskog kantona na ____ sjednici održanoj dana ____ 2023. godine, d o n o s i:

ODLUKU
o imenovanju predsjednika i dva člana Nadzornog odbora
Agencije za privatizaciju Zeničko-dobojskog kantona

Član 1.

(Sastav Nadzornog odbora Agencije za privatizaciju Zeničko-dobojskog kantona)

U Nadzorni odbor Agencije za privatizaciju Zeničko-dobojskog kantona imenuju se:

- 1. Avdić Mahdi - predsjednik**
- 2. Delibašić Dženeta - član**
- 3. Tutnić Harisa - član**

Član 2.

(Mandat Nadzornog odbora Agencije za privatizaciju Zeničko-dobojskog kantona)

Imenovanje iz prethodnog člana vrši se na period od 4 (četiri) godine.

Član 3.

(Stupanje na snagu i objavljivanje)

Odluka stupa na snagu danom donošenja i ista će se objaviti u «Službenim novinama Zeničko-dobojskog kantona».

PREDSJEDAVAJUĆI

Dejan Kovačević

Broj: 01-_____/23
Zenica, dana ____ 2023. godine

OBRAZLOŽENJE

I – PRAVNI OSNOV

Pravni osnov za donošenje Odluke sadržan je u članu 14. stav 1. i 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 4/08-autentično tumačenje, 8/10 i 15/17), kojima je propisano:

„Nadzor nad zakonitosti rada i finansijskog poslovanja Agencije provodi Nadzorni odbor. Nadzorni odbor se sastoji od predsjednika i dva člana, koje imenuje i razrješava Skupština Kantona.“ (stav 1.)

„Predsjednik i članovi Nadzornog odbora imenuju se na period od 4 godine, a nakon toga mogu biti ponovo imenovani.“ (stav 2.)

Pravni osnov je, osim navedenog, sadržan u članu 12. stav 1. Zakona o vladinim, ministarskim i drugim imenovanjima u Federaciji Bosne i Hercegovine („Službene novine Federacije BiH“, broj: 12/03, 34/03 i 65/13), kojim je propisano:

„Nakon intervjua i na osnovu u potpunosti dokumentovanih odluka svakog člana komisije, komisija za izbor će putem pisane peporuke predložiti rang listu sa najboljim kandidatima odgovornom javnom službeniku na daljnje razmatranje...“ Shodno odredi člama 2. stav 1. tačka 1.6. odgovornim javnim službenikom se smatra i Skupština Kantona.

U članu 3. stav 1. alineja (B) Zakona o ministarskim, vladinim i drugim imenovanjima u Federaciji Bosne i Hercegovine utvrđen je princip kvaliteta, kao glavni princip kojim se rukovode sva imenovanja, a koji podrazumijeva da se postupak imenovanja provede putem dobro informiranog izbora lica koja po svojim sposobnostima, iskustvu i kvalitetima odgovaraju potrebi regularnog organa koji je u pitanju.

II – RAZLOZI ZA DONOŠENJE

Komisija za izbor i imenovanja 9. saziva Skupštine Zeničko-dobojskog kantona, blagovremeno je pokrenula postupak objavljivanja Javnog oglasa za izbor predsjednika i dva člana Nadzornog odbora Agencije za privatizaciju Zeničko-dobojskog kantona, kojeg imenuje Skupština Kantona, pošto postojećem Nadzornom odboru Agencije za privatizaciju Zeničko-dobojskog kantona, **ističe četverogodišnji mandat, dana 22.09.2023. godine.**

U cilju popune navedenih upražnjenih pozicija, Komisija za izbor i imenovanja je na 7. sjednici održanoj dana 05.06.2023. godine utvrdila tekst Javnog oglasa za izbor predsjednika i dva člana Nadzornog odbora Agencije za privatizaciju Zeničko-dobojskog kantona, koji je objavljen na web stranici Zeničko-dobojskog kantona, www.zdk.ba, te u „Službenim novinama Federacije Bosne i Hercegovine“, dnevnom listu „Dnevni avaz“ i dnevnom listu „Oslobođenje“, kao dva dnevna lista koja se distribuiraju na cijeloj teritoriji Bosne i Hercegovine koji su dostupni najširoj javnosti, shodno članu 8. stav 1. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“, broj: 12/03, 34/03 i 65/13).

Po provedenom postupku odabira, Komisija je na nastavku 10. sjednice Komisije održane dana 14.07.2023. godine, na osnovu utvrđene Rang-liste najuspješnijih kandidata, utvrdila Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona i uputila ga u dalju skupštinsku proceduru.

Prijedlog navedene Odluke je razmatran na 12. sjednici Skupštine Zeničko-dobojskog kantona održanoj dana 08.08.2023. godine, kao treća tačka usvojenog dnevnog reda, kada nije dobio potrebnu većinu glasova poslanika Skupštine za njeno donošenje, zbog čega je Komisija za izbor i imenovanja, na 12. sjednici održanoj dana 21.08.2023. godine, ponovo utvrdila tekst Javnog oglasa za izbor predsjednika i dva člana Nadzornog odbora Agencije za privatizaciju Zeničko-dobojskog kantona, koji je objavljen u „Službenim novinama Federacije Bosne i Hercegovine“ dana 25.08.2023. godine u broju 65/23, te u dnevnom listu „Dnevni avaz“ i dnevnom listu „Oslobođenje“ dana 23.08.2023. godine i na web stranici Ze-do kantona,

www.zdk.ba, dana 21.08.2023. godine, s tim da ostaje otvoren 15 (petnaest) dana od dana posljednje objave.

Na pomenuti Javni oglas, prijavilo se **8** kandidata. Nakon otvaranja **8** koverti sa priloženom dokumentacijom, te uvida u prijave kandidata i priloženu dokumentaciju, Komisija je konstatovala da su prijave **svih 8** kandidata podnesene blagovremeno, da su **4** prijave kandidata potpune odnosno da su isti uz svoje prijave na Javni oglas priložili svu traženu dokumentaciju, kao dokaz ispunjavanja svih propisanih uslova koje kandidati treba da ispunjavaju za izbor predsjednika i dva člana Nadzornog odbora Agencije za privatizaciju Zeničko-dobojskog kantona, dok kod **2** kandidata nedostaje prijava na javni oglas, a kod **2** kandidata nedostaje uvjerenje nadležnog organa da nisu osuđivani za krivična djela i privredne prestupe, kao dokaz ispunjavanja propisanog uslova iz tačke 2. Posebnih uslova Javnog oglasa, te je Komisija konstatovala da, u skladu sa Javnim oglasom, dokumentacija **4** kandidata je nepotpuna i nije uzeta u dalje razmatranje.

Na 14. sjednici Komisije za izbor i imenovanja održanoj dana 21.09.2023. godine obavljen je intervju sa svim pozvanim kandidatima sa Liste užeg izbora kandidata, (koju čine oni kandidati koji ispunjavaju sve utvrđene kriterije za imenovanje, odnosno sve propisane formalno-pravne uslove), nakon kojeg je, nakon dokumentovane odluke svakog člana Komisije, a na osnovu broja bodova koje je kandidat dobio na intervjuu, sačinjena **Rang-lista najuspješnijih kandidata, kako slijedi:**

- 1. Avdić Mahdi – 25 bodova**
- 2. Delibašić Dženeta – 23,5 boda**
- 3. Tutmić Harisa – 23 boda**
- 4. Kaknjo Azra – 17,75 bodova**

Broj bodova koje je kandidat dobio na intervjuu, predstavlja zbir bodova datih od strane svakog prisutnog člana Komisije, podijeljen sa brojem prisutnih članova Komisije.

Na osnovu utvrđene Rang-liste najuspješnijih kandidata utvrđen je Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona, a u skladu sa tačkom 9. Zaključka broj: 01-30-12898-3/23 od 21.08.2023. godine, koji je Komisija za izbor i imenovanja donijela na 12. sjednici održanoj dana 21.08.2023. godine, a u pomenutom Prijedlogu Odluke je za predsjednika Nadzornog odbora Agencije za privatizaciju Zeničko-dobojskog kantona predložen kandidat koji je imao najveći broj bodova, (najveći zbir bodova datih od strane svakog prisutnog člana Komisije, podijeljen sa brojem prisutnih članova Komisije).

III – OBJAŠNENJE PREDLOŽENIH RJEŠENJA

Članom 1. vrši se imenovanje predsjednika i dva člana Nadzornog odbora Agencije za privatizaciju Zeničko-dobojskog kantona.

Članom 2. se utvrđuje period, (mandat) na koji se imenuju predsjednik i dva člana Nadzornog odbora Agencije za privatizaciju Zeničko-dobojskog kantona.

Članom 3. je propisano stupanje na snagu Odluke, kao i njeno objavljivanje u službenom glasilu i to samo u „Službenim novinama Zeničko-dobojskog kantona“, shodno odredbi člana 13. Zakona o ministarskim, vladinim i drugim imenovanjima Federacije Bosne i Hercegovine, po kojem se sva konačna imenovanja treba odmah da objave u „Službenim novinama Federacije BiH“ ili službenim novinama kantona, grada ili općine.

IV – FINANSIJSKA SREDSTVA

Za provođenje ove Odluke nisu potrebna posebna dodatna sredstva u Budžetu Kantona za 2023. godinu, osim onih ranije planiranih.

KOMISIJA ZA IZBOR I IMENOVANJA

OBRAZAC IZJAVA O FISKALNOJ PROCJENI

Obrazac IFP NE

A 1. Obrađivač propisa						
KOD	NAZIV					
10010001	SKUPŠTINA KANTONA					
B 2. Osnovni podaci o prijedlogu propisa						
Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta						
C 3. Izjava o nepostojanju dodatnih fiskalnih efekata predložene propisa						

Donošenje Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona, neće imati fiskalne posljedice na Budžet za 2023. godinu u smislu obezbjeđivanja dodatnih budžetskih sredstava.

D 4. Pečat i potpis odgovornog lica obrađivača, odnosno predlagača propisa	Mjesto i datum	Zenica, dana 21.09.2023. godine
---	----------------	---------------------------------

